

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj:009-0-SU-22-000230
Sarajevo, 04.04.2022.godine**

Na osnovu člana 31. Zakona o Sudovima u Federaciji Bosne i Hercegovine, („Službene novine Federacije BiH“ br. 38/05, 22/06, 63/10, 72/10, 7/13 i 52/14), člana 69. stav (2) tačka d) Zakona o javnim nabavkama („Službeni glasnik BiH“, broj 39/14) Predsjednik Kantonalnog suda u Sarajevu donosi:

**ODLUKU
O PONIŠTENJU POSTUPKA JAVNE NABAVKE**

I

Odlukom o poništenju postupka javne nabavke poništava se postupak javne nabavke usluge-čišćenje objekta Kantonalnog suda u Sarajevu, objavljen na Portalu javnih nabavki dana 14.03.2022.godine u 15:01 sati pod brojem 885-7-2-3-3-5/22, iz razloga što nijedna ponuda nije prihvatljiva (član 69. stav (2) tačka e) i d) ZJN).

Jedinstveni riječnik javne nabavke jeste JRJN-909199000-2 - Usluge čišćenja

Ova odluka stupa na snagu danom donošenja.

Obrazloženje

Na osnovu odluke o pokretanju postupka javne nabavke broj 009-0-Su-22-000230 od 11.03.2022.godine pokrenut je postupak javne nabavke usluge – Čišćenje objekta Kantonalnog suda u Sarajevu, procijenjene vrijednosti 45.000,00 KM bez PDV-a, putem konkurentskog zahtjeva javne nabavke usluga.

Za predmetnu nabavku objavljeno je obavještenje na Portalu javnih nabavki (u sistemu „E-nabavke“) pod brojem 885-7-2-3-3-5/22, dana 14.03.2022.godine u 15:01, zajedno sa cjelokupnim tekstom tj. tenderskom dokumentacijom. Na osnovu zahtjeva za dostavu ponuda za predmetnu nabavku, dostavljene su ponude slijedećih ponuđača: Atalian global services BH d.o.o. Sarajevo, GTS d.o.o. Sarajevo i Konis d.o.o. Sarajevo .

U skladu sa Pravilnikom o uslovima i načinu korištenja e-aukcije („Sl. glasnik BiH“ broj: 66/16), u postupku dodjele ugovora, a prema Kriteriju za dodjelu ugovora - najniža cijena (član 64.Zakona), tehnički zadovoljavajuće ponude, Ugovorni organ je predvidio provođenje E-aukcije. Predmetni postupak se provodi u informacionom sistemu Agencije za javne nabavke E-nabavke i predstavlja način provođenja dijela postupka javne nabavke , koji uključuje podnošenje novih cijena, zamjenjenih na niže. Zahtijeva za pojašnjenje tenderske dokumentacije u predmetnom postupku javne nabavke nije bilo.

Komisija za provođenje svih postupaka formirana Rješenjem o imenovanju stalne Komisije za sprovođenje postupaka za potrebe Kantonalnog suda u Sarajevu br: 009-0-Su-21-000012 od 12.02.2022.godine je ocjenu ponuda i sačinila Zapisnik o pregledu i ocjeni ponuda broj:009-0-SU-22-000230 od 01.04.2022.godine koji je sastavni dio ove Odluke, te u istom

konstatovala slijedeće: Pregledom i analizom svih dostavljenih ponuda ponuđača u predmetnom postupku, utvrđeno je da se sve tri zaprimljene ponude odbacuju kao neprihvatljive, u smislu odredbe iz člana 68. stav (4) tačka i) ZJN („Službeni glasnik BiH“, br. 39/14), i to ponude ponuđača „Atalian global services BH“ i „Konis“, doo Sarajevo, dok ponuda ponuđača „GTS“ doo Sarajevo nije prihvatljiva u smislu (član 69. stav (2) tačka e) ZJN).

Ponuda ponuđača „Atalian global services BH“ se odbacuje kao neprihvatljiva, jer nije dostavljena u skladu sa tenderskom dokumentacijom propisanu tačkom 5.1.10. pod 2) i 11) jasno propisuje šta Ponuda obavezno mora sadržavati, a koje glase:

2) Tehnička specifikacija – Aneks 3. – potpisana od ovlaštenog lica ponuđača i ovjerena pečatom ponuđača;

Ponuđač „Atalian global services BH“ je dostavio popunjenu tehničku specifikaciju bez da je istu ovjerio pečatom ponuđača, nego je samo parafirana, te time nije ispunio traženi zahtjev.

Zatim, 11) Prijedlog („nacrt“) ugovora, koji je dat u Aneksu 6. tenderske dokumentacije, svaka stranica potpisana ili parafirana od ovlaštenog lica i ovjerena pečatom ponuđača;

Ponuđač „Atalian global services BH“ je dostavio Prijedlog ugovora bez da je svaka stranica ovjerena pečatom ponuđača, nego je samo parafirana, te na taj način nije ispunio traženi zahtjev.

Dalje, Ponuda ponuđača „Atalian global services BH“ ne ispunjava zahtjev tražen tenderskom dokumentacijom u tački 5. Zahtjevi u vezi sa dostavljanjem ponude, da sve strane ponude moraju biti numerisane na način da je vidljiv redni broj stranice ili lista, u skladu s članom 8. stava (6) i (7) Uputstva za pripremu modela tenderske dokumentacije i ponude („Službeni glasnik BiH“, broj 90/14 i 20/15).

Ponuda neće biti odbacena ukoliko su listovi ponude numerisani na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji, član 8. stav (7) Uputstva za pripremu modela tenderske dokumentacije i ponude.

Međutim, ponuda ponuđača „Atalian global services BH“ nije numerisana na ovaj način. U ponudi nije obezbijeđen kontinuitet numerisanja, postoji prekid kontinuiteta numerisanja. Nakon strane 36, numerisana je strana 38., a tek onda strana 37. što znači da nije obezbijeđen kontinuitet numerisanja, te se ponuda kao takva obacuje se kao neprihvatljiva.

Ponuda ponuđača „Konis“ d.o.o se odbacuje kao neprihvatljiva, jer nije dostavljena u skladu sa tenderskom dokumentacijom propisanu tačkom 5.1.10. pod 2) i 11), jasno propisuje šta Ponuda obavezno mora sadržavati :

2) Tehnička specifikacija – Aneks 3. – potpisana od ovlaštenog lica ponuđača i ovjerena pečatom ponuđača;

Ponuđač „Konis“ d.o.o je dostavio tehničku specifikaciju bez da je potpisana od ovlaštenog lica ponuđača i ovjerena pečatom ponuđača kako je trženo zahtjevom, te se ponuda kao takva obacuje se kao neprihvatljiva.

11) Prijedlog („nacrt“) ugovora, koji je dat u Aneksu 6. tenderske dokumentacije, svaka stranica potpisana ili parafirana od ovlaštenog lica i ovjerena pečatom ponuđača;

Ponuđač „ Konis“ d.o.o je dostavio Prijedlog ugovora bez da je svaka stranica potpisana ili parafirana od ovlaštenog lica i ovjerena pečatom ponuđača, kako je trženo zahtjevom, te se ponuda kao takva obacuje se kao neprihvatljiva.

Dalje, Ponuda ponuđača „ Konis“ d.o.o ne ispunjava zahtjev tražen tenderskom dokumentacijom u tački 5. Zahtjevi u vezi sa dostavljanjem ponude, da sve strane ponude moraju biti numerisane na način da je vidljiv redni broj stranice ili lista, u skladu s članom 8. stava (6) i (7) Uputstva za pripremu modela tenderske dokumentacije i ponude („Službeni glasnik BiH“, broj 90/14 i 20/15).

Ponuda neće biti odbačena ukoliko su listovi ponude numerisani na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji, član 8. stav (7) Uputstva za pripremu modela tenderske dokumentacije i ponude. Međutim, ponuda ponuđača Konis doo Sarajevo nije numerisana na ovaj način . Prva stranica ponude počinje brojem 20, druga 21, da bi u sredini ponude bio upisan broj 9. U ponudi nije obezbijeđen kontinuitet numerisanja, i kao takva obacuje se kao neprihvatljiva.

Takođe, ponuđač „ Konis“ d.o.o je izostavio dostavljanje dokaza za traženi uslov propisan tačkom :3.4.1.pod a) koji glasi:

3.4. Tehnička i profesionalna sposobnost

3.4.1. Što se tiče tehničke i profesionalne sposobnosti, član 50. Zakona, ponuda će biti odbačena ako ponuđač ne ispuni sljedeći minimalni uslov:

Ponuđači, u svrhu dokazivanja tehničke i profesionalne sposobnosti, trebaju ispuniti sljedeće minimalne uvjete:

a) da je ponuđač za period ne duži od tri godine ili od datuma registracije, odnosno početka poslovanja, ako je kandidat/ponuđač registrovan, odnosno počeo s radom manje od tri godine, uspješno realizovao jedan ili više Ugovora, čiji su predmet vršenje usluga čišćenja poslovnih prostorija.

Tačkom 3.4.2. Ocjena tehničke i profesionalne sposobnosti ponuđača izvršit će se na osnovu:

a) Spiska izvršenih ugovora o vršenju usluga čišćenja poslovnih prostorija u skladu sa članom 48.stav 2.Zakona uz potvrdu koju daje ugovorna strana o njihovoj realizaciji, a koji su u vezi s predmetnom nabavkom, za period ne duži od tri godine ili od datuma registracije, odnosno početka poslovanja, ako je kandidat/ponuđač registrovan, odnosno počeo s radom manje od tri godine.

Ponuđač „ Konis“ d.o.o nije dostavio Spisak izvršenih ugovora koji se odnose na vršenje usluge čišćenja poslovnih prostorija, uz Potvrdu o uspješno izvršenim uslugama, , kako je trženo zahtjevom, te se ponuda kao takva obacuje se kao neprihvatljiva.

Ponuda ponuđača „GTS“ d.o.o Sarajevo je za Ugovorni organ neprihvatljiva u smislu člana 69. stav (2) tačka e) ZJN , jer je iznos ponude 75.101,88 KM bez PDV-a, što je znatno veće od osiguranih sredstava za ovu predmetnu nabavku, čija je procijenjena vrijednost iznosila 45.000, 00 KM bez PDV-a. Radi nevedene okolnosti, Ugovorni organ otkazuje postupak javne nabavke , radi dokazivih razloga koji su izvan kontrole Ugovornog organa i koji se nisu mogli predvidjeti u vrijeme pokretanja predmetnog postupka javne nabavke usluge čišćenja objekta kantonalnog suda u Sarajevu.

Shodno svemu naprijed navedenom, Komisija je ponude ponuđača „ Atalian global services BH“, „ Konis“ d.o.o i “GTS“ d.o.o Sarajevo odbacila kao neprihvatljive.

S obzirom da je u ovom postupku javne nabavke bilo predviđeno provođenje e-aukcije, a kako nije dostavljena nijedna prihvatljiva ponuda, primjenom člana 69.stav (2) tačka d) i e) ZJN, sve tri ponude se odbijaju kao neprihvatljive.

Imajući u vidu navedeno, odlučeno je kao u dispozitivu.

PRAVNA POUKA: Protiv ove odluke dozvoljena je žalba koja se podnosi Ugovornom organu u roku od pet (5) dana od dana prijema ove odluke.

Predsjednik suda

Vladimir Špoljarić